



Broj: 02-04-2096/23-AP-3
Datum: 09.10.2023. godine

GRADSKO VIJEĆE ZAVIDOVIĆI
n/r PREDSDJEDAVAJUĆEM GRADSKOG VIJEĆA
Admir Fojnica, prof.

PREDMET: Odgovori na vijećnička pitanja sa 17. sjednice Gradskog
vijeća Zavidovići održane 25.09.2023. godine, dostavljaju se

Povodom vijećničkih pitanja postavljenih na 17. sjednice Gradskog vijeća Zavidovići održanoj 25.09.2023. godine, dostavljamo odgovore na iste kako slijedi:

1. VIJEĆNIČKO PITANJE VIJEĆNIKA DŽINIĆ HAMDE

Vijećnik Džinić Hamdo: Ja ću jedno usmeno vijećničko pitanje postaviti, tiče se izgradnje rekonstrukcije vodovoda u Vožućoj i evo svi smo mi ovdje svjedoci da smo nekad u jesen prošle godine potpisan završni ugovor da se završi, da se može koristiti vodovod u Vožućoj. Međutim urađeno je sve osim bazena. E sad imali smo jedan problem na koji sam ja ukazivao čitavo ljeto ove godine i proljeće pristupnog puta _ i taj problem je, evo raspisale su službe javnu nabavku, prošlo je čini mi se BN transport je realizovao prije jedno mjesec do mjesec i po, čovjek me zvao sa terena da je napravio taj pristupni put, mada kalkulacije nisu baš bile dobro sračunate, ali _ uradio i od tad nadalje čekamo preduzeće Heldovac da nastavi sa radom odnosno izgradnjom bazena, jer imamo sredstva odobrena već od prošle godine. Ulazimo u jesenski period, sezonu da se kad je ovaj pristupni put urađen prije mjesec i po da se pristupilo izgradnji bazena, moglo se da se ne raspisuje ponovo javna nabavka za taj pristupni put, bilo je ljeto, suho ovako kako svi znamo bez padavina. Ja sam ubijeđen pošto sam na terenu bio dva puta izlazio, ako se u narednom periodu, narednih 10, 15 dana, mjesec, ne krene sa izgradnjom bit ćemo primorani, sad su već drugačiji uslovi da će se morati dodatno raspisivati javne nabavke za pristupni put , sigurno još 10, 15, 20 hiljada km. Da smo to radili ljetos ne bi trebalo, ali evo ako se i to mora samo da se završi. Pa me zanima kad će služba da mi odgovori, pismenim putem bih radije, ako može i usmeno sad, ali i pismenim. Kad se planira nastaviti, je li neko kontaktirao Heldovac kad nastavljaju, jer njemu već godinu dana ima potpisan ugovor. Nekih stotinjak hiljada i nešto ja mislim nije realizovano, to su ta dva bazena po 100 kubika. Toliko.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-296/23 od 11.10.2023. godine): Kao što je u usmenom odgovoru Gradonačelnika rečeno na 17. sjednici Gradskog vijeća: nakon što su riješeni problemi pristupnog puta rezervoaru, izvođač radova GP „Heldovac“ d.o.o. je pristupio izgradnji samog objekta rezervoara. Do sada su izvedeni zemljani radovi i započelo se sa betonskim radovima. Izgrađena je donja ploča rezervoara, a u

toku je postavljanje oplate za betoniranje zidova. Okončanje radova očekuje se u narednih 30 dana imajući u vidu vremenske prilike.

2. VIJEĆNIČKO PITANJE VIJEĆNIKA HODŽIĆ HARISA

Vijećnik Hodžić Haris: Jedno vijećničko pitanje usmeno, može naravno i odgovor usmeni, ako ne onda pismeno. Obzirom da su mandati članova Savjeta MZ na području Grada Zavidovići istekli i da još uvijek gradska uprava, nadležna služb, odnosno komisija nije raspisala nove izbore za članove MZ, postavljam pitanje kada, zašto nisu raspisani novi izbori? Zašto i kada imaju u planu da se raspišu novi izbori za članove Savjeta MZ.

Odgovor na vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-2102/23-AP-4 od 17.10.2023. godine): Općinsko vijeće na 38. sjednici od 30.09.2019. godine, razmatralo je Izvještaj o provedenim izborima za članove Savjeta mjesnih zajednica na području općine Zavidovići koji su održani 30.06.2019. godine, i potvrdilo rezultate izbora za članove Savjeta mjesnih zajednica: „Asim Čamdžić“, „Branioci grada“, „Klek“, „Kovači“, „Pašin Konak“, „Vozuća“, „Gostović“, „Brezik“, „Dolina - Alići“, „Donji Gostović“, „Dubravica“, „Ribnica“, „Maoča“, „Mećevići“, „Krivaja - Smailbašići“, „Lovnica“, „Stipovići“, „Krivaja“ i „Rujnica“. Zaključak Općinskog vijeća broj: 01-05-1948/19-AP-3 („Službeni glasnik Općine Zavidovići“, broj: 9/19).

Općinsko vijeće Zavidovići je na 39. sjednici od 31.10. i 06.11.2019. godine, razmatralo Izvještaj o provedenim izborima za članove Savjeta mjesnih zajednica „Mahoje“ na području općine Zavidovići koji su održani 13.10.2019. godine i 06.11.2023. godine, potvrdilo rezultate izbora za članove Savjeta mjesne zajednice „Mahoje“. Zaključak Općinskog vijeća broj: 01-05-2492/19-AP-3, („Službeni glasnik Općine Zavidovići“, broj: 10/19).

Općinsko vijeće Zavidovići je na 44. sjednici od 28.02.2020. godine, razmatralo Izvještaj o provedenim izborima za članove Savjeta mjesne zajednice „Dolac“ na području općine Zavidovići koji su održani 11.01.2020. godine, pa nakon rasprave potvrdilo rezultate izbora za članove Savjeta mjesne zajednice „Dolac“. Zaključak Općinskog vijeća broj: 01-04-354/20-AP-3 („Službeni glasnik Općine Zavidovići“, broj: 2/20).

U skladu sa članom 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22), a u vezi sa članom 73. Statuta Općine Zavidovići („Službeni glasnik Općine Zavidovići“, broj: 5/2008, 5a/2008 i 11/2019), rezultate izbora za članove Savjeta mjesne zajednice potvrđuje Općinsko vijeće.

Na osnovu člana 75. stav (2) Statuta Općine Zavidovići, mandat članova Savjeta mjesnih zajednica traje 4 (četiri) godine od dana potvrđivanja rezultata izbora od Općinskog vijeća.

Na osnovu člana 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) i člana 72. stav (3), a u vezi sa članom 87. Statuta Općine Zavidovići („Službeni glasnik Općine Zavidovići“, broj: 5/2008, 5a/2008 i 11/2019), Gradsko vijeće donosi Odluku o raspisivanju izbora za članove Savjeta mjesnih zajednica na području Grada Zavidovići.

Odluku o raspisivanju izbora za članove Savjeta mjesnih zajednica na području Grada Zavidovići predlaže Gradonačelnik, a priprema je Služba za upravu društvenih djelatnosti, pitanja boraca i opću upravu.

Za izbore članove Savjeta mjesnih zajednica na području općine Zavidovići koji su provedeni u 2019. godinu (Odluku o raspisivanju izbora za članove Savjeta mjesnih zajednica na području općine Zavidovići („Službeni glasnik Općine Zavidovići“, broj: 5/2019)) u Budžetu općine Zavidovići za 2019. godinu, planiran je „Transfer za provođenje izbora u Mjesnim zajednicama“ u iznosu 8.500,00 KM a utrošeno 8.162,73 KM.

U Budžetu Grada Zavidovići za 2023. godinu („Službeni glasnik Grada Zavidovići“, 8/22), nije planiran „Transfer za provođenje izbora u Mjesnim zajednicama.“.

Imajući u vidu da je većini članova Savjeta mjesnih zajednica sa 30.09.2023. godine, istekao mandat, potrebno je dostaviti Gradskom vijeću Zavidovići na razmatranje Odluku o raspisivanju izbora za članove Savjeta mjesnih zajednica na području Grada Zavidovići, a Gradsko vijeće treba da odluči da li će raspisati izbore na osnovu člana 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) i člana 72. stav (3), a u vezi sa članom 87. Statuta Općine Zavidovići („Službeni glasnik Općine Zavidovići“, broj: 5/2008, 5a/2008 i 11/2019) ili će iste prolongirati do usvajanja Statuta Grada Zavidovići i donošenja potrebnih provedbenih akata iz ove oblasti.

Gradsko vijeće Zavidovići na 12. sjednici održanoj dana 05.04.2023. godine, razmatralo je Nacrt Statuta Grada Zavidovići i uputilo istu u javnu raspravu u trajanju od 60 dana. Prijedlog Statuta Grada Zavidovići priprema se za narednu sjednicu Gradskog vijeća.

3. VIJEĆNIČKA PITANJA VIJEĆNIKA MUJKIĆ ADMIRA

1. Vijećnik Mujkić Admir: Poštovani, na osnovu člana 8. i 87. Poslovnika o radu Gradskog vijeća Zavidovići, kao vijećnik Gradskog vijeća postavljam vijećničko pitanje

U skladu sa vijećničkim ovlastima zatražit ću odgovor na pitanje zašto se ne raspisuju javni pozivi za sanaciju mjesnih zajednica društvenih domova budući da je kantonalni nivo vlasti zainteresovan za tu vrstu saradnje i da postoje određene vrste garancija da se u narednom periodu ostvari finansijski transfer za sanaciju dva društvena doma u mjesnim zajednicama. U kontaktu sa kantonalnim nivoima vlasti smo dobili uvjeravanja da će novac biti prebačen ukoliko grad raspiše poziv za sanaciju društvenih domova.

Odgovor na vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-17/23-AP-302 od 16.10.2023. godine): U Budžetu Grada Zavidovići za 2023. godinu nisu planirana sredstva za sanaciju društvenih domova u mjesnim zajednicama. S obzirom da nisu već ranije predviđena sredstva za ove namjene, Služba za upravu društvenih djelatnosti, pitanja boraca i opću upravu ne može raspisati Javni poziv za sanaciju društvenih domova bez unaprijed osiguranih sredstava.

Ukoliko je kantonalni nivo vlasti kako navodite u svom pitanju a prema Vašim saznanjima zainteresovan za sanaciju društvenih domova onda su oni jedini i nadležni da raspisuju Javni poziv na koji se Gradska uprava u ime mjesnih zajednica ili same mjesne zajednice mogu i prijaviti. Prilikom raspisivanja Javnog poziva objavljuju se i kriteriji i uslovi pod kojima se može aplicirati za određene projekte. S obzirom da Gradska uprava nema potpisan Sporazum niti bilo koji drugi zvanični akt koji se odnosi na navedeno, nismo ni u mogućnosti da raspisujemo Javni poziv.

Način na koji Vi tražite da se pokrene postupak obnove društvenih domova a na osnovu „uvjeravanja i usmene garancije“ viših novoa vlasti je nezakonit način rada institucija jer se raspodjela sredstava za bilo koje namjene, a u ovom slučaju namjenskih sredstava sa viših nivoa vlasti ne raspoređuju po principu „rekla - kazala“, nego isključivo po raspisivanju Javnog poziva ili po planu Kapitalnih investicija za jedinice lokalne samouprave.

Usmena garancija i obećanja nisu zvanični akt u korespondenciji državnih organa uprave.

Korisimo priliku i da Vas podsjetimo da je Služba za upravu društvenih djelatnosti, pitanja boraca i opću upravu aplicirala na Javni poziv UNDP-a u II fazi projekta pod nazivom „Jačanje uloge mjesnih zajednica u BiH“. U sklopu tog projekta obnovljeni su društveni domovi u 4 mjesne zajednice i uspostavljen je Društveni centar u Mjesnoj zajednici „Dubravica“. U toku je obnova još jednog društvenog doma u Mjesnoj zajednici „Vožuća“.

U protekloj godini su opredijeljena sredstva za mjesne zajednice koje su iskazale interes te podnijeli zahtjev Ministarstvu za rad, socijalnu politiku i izbjeglice ZDK a ta sredstva će biti utrošena za sanaciju društvenih domova u 8 mjesnih zajednica.

2. Vijećnik Mujkić Admir: Poštovani, na osnovu člana 8. i 87. Poslovnika o radu Gradskog vijeća Zavidovići, kao vijećnik Gradskog vijeća postavljam vijećničko pitanje
Pitanje upućujem na Službu za upravu civilne zaštite da nam predstavite Izvještaj o sanaciji šteta nastalih kao posljedica prirodnih katastrofa i klizišta u periodu 2014. – 2023. godine. Izvještaj bi trebao da sadrži osnovne informacije o mjestu na kojem je sanacija obavljena, razlozima koji su proizveli materijalnu štetu, vlasniku objekta na kojima je sanacija ostvarena kao i iznosu i vrsti sredstava uložениh u postupku sanacije štete.

Odgovor na vijećničko pitanje (Odgovor je sačinjen na osnovu akta Službe za upravu civilne zaštite, broj: 07-45-20-250/23 od 11.10.2023. godine): Kako se radi o veoma dugom vremenskom periodu, a uzimajući u obzir da je sanacija šteta nastalih djelovanjem prirodnih nesreća vršena putem nekoliko službi, kao i viših nivoa vlasti i vladinih i nevladinih organizacija, tražimo da se pitanje konkretizuje, odnosno dopuni. Za odgovor na ovako postavljeno pitanje potrebno je puno više vremena i resursa, te je moguće da opet ne bude potpun iz razloga što institucije viših nivoa vlasti kao i mnoge organizacije nisu uvijek dostavljale podatke o svojim aktivnostima na sanaciji šteta od prirodnih i drugih nesreća na području Grada Zavidovići.

3. Vijećnik Mujkić Admir: Poštovani, na osnovu člana 8. i 87. Poslovnika o radu Gradskog vijeća Zavidovići, kao vijećnik Gradskog vijeća postavljam vijećničko pitanje
Vijećničkim pitanjem obraćam se nadležnoj službi grada da nam dostave informaciju o planovima legalizacije i prostornog planjenja javnih puteva nad kojima do sad nije proveden imovinsko-pravni postupak obzirom da se radi uglavnom o putevima u seoskim sredinama. Molim da se u izvještaj uvrste svi putevi u našem gradu nad kojima do sad nije proveden navedeni postupak uknjižbe, zbirna dužina puta koji nije legalizovan, kao i informacija o razlozima zvog kojih postupak nije proveden.

Odgovor na vijećničko pitanje (Odgovor je sačinjen na osnovu akta Službe za upravu geodetskih, imovinskopravnih poslova i urbanizam, broj: 06-45-18/23-AP-310 od 10.10.2023. godine): Rješavanje imovinskopravnih odnosa na putevima u seoskim sredinama rješava se na prijedlog korisnika eksproprijacije, a nakon utvrđenog javnog interesa u svrhu izgradnje javnog puta. Nakon riješenih imovinskopravnih odnosa izdaje se građevinska dozvola za put, a po dobijanju upotrebne dozvole vrši se uplana istog kao javnog puta.

Služba ne vodi evidenciju o takvim putevima odnosno ne vodi evidenciju o zemljištu koje se na terenu koristi kao put ili je već izgrađen kao put, a u katastru nije uplanjen, jer je potrebno prethodno riješiti imovinskopravne odnose na način naprijed opisan.

Kod ove Službe također ne postoje ni planovi za legalizaciju takvih puteva.

4. VIJEĆNIČKA PITANJA VIJEĆNIKA SKEJIĆ ŠEMSUDINA

1. Vijećnik Skejić Šemsudin: Na osnovu člana 8. i 87. Poslovnika o radu Gradskog vijeća postavljam vijećničko pitanje:
Kada će biti usvojen i donešen Dokument izmjena i dopuna Regulacionog plana „LUKE“ Zavidovići?

OBRAZLOŽENJE:

Davne 2018. godine, preciznije 31.01.2018.godine, Općinsko vijeće Zavidovići („Službeni glasnik Općine Zavidovići“, broj 5/08 i 5a/08) donijelo je

ODLUKU

O pristupanju izradi izmjena i dopuna Regulacionog plana „LUKE“ Zavidovići.

Predviđeni rok za izradu izmjena i dopuna Regulacionog plana je 6 (šest) mjeseci od dana usvajanja odluke.

Na aprilskoj sjednici ove godine, što je više od 5 godina od dana pristupanja izradi izmjene i dopune plana, usvojili smo NACRT DOKUMENTA.

Bili smo apsolutno jednoglasni i na taj način vrlo jasno smo pokazali da znamo kolika je važnost usvojenog dokumenta.

Utrkivali su se za govornicom vijećnici različitih opcija kako bi došli do političkih poena.

Danas, gotovo 6 godina od usvajanja odluke za donošenje tog dokumenta, a 5 mjeseci nakon usvajanja nacrt, opet tapkamo u mjestu. Zašto?

Je li zbog toga što nemamo saglasnost Zavoda za urbanizam i prostorno uređenje ZD Kantona?

Je li iko odgovoran zato što ovaj dokument nije usvojen u roku 6 godina?

Zbog toga što dokumenta nema izostala je i investicija milionske vrijednosti sa novcem viših nivoa vlasti i novcem iz gradskog Budžeta.

Hoće li neko i na narednim izborima ubirati političke poene ili ćemo konačno definisati status ovog projekta?

Odgovor na vijećničko pitanje (Odgovor je sačinjen na osnovu akta Službe za upravu geodetskih, imovinskopravnih poslova i urbanizam, broj: 06-45-18/23-AP-310 od 10.10.2023. godine): Gradsko vijeće Zavidovići donijelo je Nacrt Odluke o usvajanju izmjena i dopuna Regulacionog plana „Luke“ Zavidovići i Nacrt Odluke o izmjenama i dopunama odluke o provođenju Regulacionog plana „Luke“ Zavidovići, te je po navedenim nacrtima provedena i javna rasprava.

Sačinjen je izvještaj o provedenoj javnoj raspravi, te se u narednom periodu očekuju odgovori na postavljene primjedbe tokom javne rasprave.

Nakon kompletnog sumiranja javne rasprave i odgovora na primjedbe zatražit će se saglasnost od nadležnog ministarstva o usaglašenosti izmjena i dopuna Regulacionog plana „Luke“ Zavidovići sa dokumentima šireg područja.

Pored navedenog od strane JP ceste FBiH zatraženo je i mišljenje na navedene nacрте, obzirom da je obuhvatom izmjena i dopuna Regulacionog plana „LUKE“ Zavidovići tretirana i magistralna cesta M-17.1 dionica Zavidovići - Banovići radi izgradnje kružnog toka.

2. Vijećnik Skejić Šemsudin: Na osnovu člana 8. i 87. Poslovnika o radu Gradskog vijeća postavljam vijećničko pitanje:

1. Ima li Gradska uprava rješenja kako zaštititi i iskoristiti vlastito građevinsko zemljište na lokalitetu Poslovne zone Majdanska polja označena sa:

k.č. 211 ukupne površine 4207 m²

k.č. 209/1 ukupne površine 4246 m²

k.č. 203/3 ukupne površine 1534 m²

k.č. 216/12 ukupne površine 1016 m²

k.č. 216/7 ukupne površine 686 m²

k.č. 216/6 ukupne površine 1827 m²

2. Da li je izvodljivo da se za svaku parcelu obezbijedi kolski pristup i da se putem javnog konkursa izvrši prodaja?

3. Da li će blagovremeno biti sprovedene sve radnje koje će obezbijediti zaštitu od gubitka prava vlasništva po osnovu Zakona o stvarnim pravima, član 58.(sticanje dosjelošću) i član 59. Gradnja na tuđem zemljištu.
4. Postoji li mogućnost da mi odgovori urbanističko – građevinski inspektor?

Posjetit ću Vas da je u toku ili je već završen sudski postupak protiv grada kao vlasnika građevinskog zemljišta upravo na ovom lokalitetu.

Postaje sve izvjesnije da će takav i slični postupci biti naša svakodnevica u budućnosti.

Na temelju rezultata pravosnažnog rješenja ovog spoa temeljit će se obrazloženja tužitelja i odbrane u sljedećim sporovima.

Koristim priliku da još jednom podsjetim nadležne da pažljivo pripreme tačku dnevnog reda, stanje imovine u vlasništvu grada na oktobarskoj sjednici.

Odgovor na vijećničko pitanje (Odgovor je sačinjen na osnovu akta Službe za upravljanje geodetskih, imovinskopravnih poslova i urbanizam, broj: 06-45-18/23-AP-310 od 10.10.2023. godine): Radi privođenja zemljišta trajnoj namjeni u skladu sa Regulacionim planom moguća je prodaja gradskog građevinskog zemljišta ukoliko su riješeni imovinskopravni odnosi na građevinskoj parceli obzirom da jedna građevinska parcela može biti formirana od jedne ili više katastarskih čestica. Da bi se građevinska parcela mogla prodati svakako mora biti obezbijeden pristup istoj. Ukoliko nisu riješeni imovinskopravni odnosi na katastarskim česticama koje ulaze u građevinsku parcelu ili koje služe kao pristup istoj na prijedlog Gradskog pravobranilaštva ova služba rješava imovinskopravne odnose putem postupaka eksproprijacije, zamjene zemljišta i dr.

Odgovor na vijećničko pitanje (Odgovor je sačinjen na osnovu akta Gradskog pravobranilaštva Zavidovići, broj: R-48/23 od 18.10.2023. godine): Zakonom o stvarnim pravima u FBiH je članom 363. propisan način raspolaganja nekretninama u vlasništvu Federacije, kantona i jedinica lokalne samouprave i to je upravo javni konkurs određen kao obligatoran način raspolaganja, a neposredna pogodba u taksativno propisanim slučajevima, kao i zamjena nekretnina, uz obavezu prethodnog pribavljanja mišljenja stalnog sudskog vještaka u pogledu procijene tržišne vrijednosti nekretnine kojom se konkretno vrši raspolaganje. Dakle, ukoliko je na konkretnoj lokaciji formiran niz zasebnih građevinskih parcela prostorno-planskim dokumentom (regulacionim planom) tada se njihova prodaja u pravilu vrši javnim konkursom, a ukoliko se predviđena građevinska parcela sastoji od više katastarskih čestica u vlasništvu fizičkih ili pravnih lica, te ukoliko je već prostorno-planskim dokumentom predviđeno oblikovanje, i ukoliko je mišljenje Odsjeka za urbanizam pozitivno u vezi predviđenog oblikovanja vijeće može raspolagati građevinskom parcelom i neposrednom pogodbom, osim ukoliko je oblikom, konfiguracijom terena, mogućnošću pristupa na javnu infrastrukturu, površina kojom bi se raspolagalo neposrednom pogodbom mogla činiti zasebnu građevinsku parcelu, tada bi vijeće moralo odbiti raspolaganje neposrednom pogodbom, te tražiti da nadležna služba pripremi javni konkurs. Dakle, u svakoj konkretnoj situaciji i u ovisnosti od činjenica prostorne pozicije neke parcele u vlasništvu Grada Zavidovići se procijenjuje i predlaže akt za vijeće. Ukoliko je samo vijeće predvidjelo prostorno-planskim dokumentom oblikovanje građevinske parcele (što podrazumijeva neposrednu pogodbu, a ne javni konkurs) onda se tada kao imeperativ nameće neposredna pogodba kao način raspolaganja. Dakle, svaka parcela se posmatra već u fazi prostornog planiranja u kontekstu njenog položaja na terenu, ali i obaveznog mišljenja struke kao prijedloga načina raspolaganja kako u kontekstu domaćinskog raspolaganja nekretninama u vlasništvu Grada, tako i u pogledu obezbijedenja da se resursi troše na način da se postiže maksimalan prihod od prodaje zemljišta, što realna tržišna procijena ne isključuje i u slučaju neposredne pogodbe, dakle i kada nema tržišne utakmice koju obezbjeđuje javni konkurs.

A kada je u pitanju kolski pristup za svaku parcelu pravila urbanog prostornog planiranja predviđaju i planiranje infrastrukturnih rješenja za svaku parcelu, pa i pristupni put na javni put, ali ipak na ovo pitanje odgovor treba dati nadležna Služba za upravu geodetskih, imovinskopravnih poslova i urbanizam, jer ovdje nije pitanje se odnosilo na potrebu da se sudskim putem obezbijedi kolski pristup parcelama ukoliko on je osporavan prema nekoj konkretnoj parceli u vlasništvu Grada, a u kom slučaju bi postojala obaveza da se pokrene postupak pred sudom, što jeste nadležnost pravobranilaštva. Dakle, na ovaj dio pitanja mi nismo u mogućnosti dati adekvatan odgovor.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-298/23 od 11.10.2023. godine): U prilogu se nalazi odgovor Građevinskog i urbanističkog inspektora broj: 03-19-230/23 od 11.10.2023. godine.

5. VIJEĆNIČKO PITANJE VIJEĆNIKA LATIFOVIĆ RAMIZA

Vijećnik Latifović Ramiz: Kada će biti održani izbori za članove Savjeta MZ, jer je istim istekao mandat, a i dalje djeluju i rade u svojim mjesnim zajednicama. Da li oni dalje mogu obnašati funkciju člana Savjeta MZ, ako je odgovor da mogu, molim pismeno da mi odgovorite na osnovu kojeg člana Statuta, jer mandat člana Savjeta traje 4 godine, od dana održavanja izbora, a znanji izbori održani su u julu 2019. godine.

Odgovor na vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-2102/23-AP-4 od 17.10.2023. godine): Općinsko vijeće na 38. sjednici od 30.09.2019. godine, razmatralo je Izvještaj o provedenim izborima za članove Savjeta mjesnih zajednica na području općine Zavidovići koji su održani 30.06.2019. godine, i potvrdilo rezultate izbora za članove Savjeta mjesnih zajednica: „Asim Čamdžić“, „Branioci grada“, „Klek“, „Kovači“, „Pašin Konak“, „Vozuća“, „Gostović“, „Brezik“, „Dolina - Alići“, „Donji Gostović“, „Dubravica“, „Ribnica“, „Maoča“, „Mećevići“, „Krivaja - Smailbašići“, „Lovnica“, „Stipovići“, „Krivaja“ i „Rujnica“. Zaključak Općinskog vijeća broj: 01-05-1948/19-AP-3 („Službeni glasnik Općine Zavidovići“, broj: 9/19).

Općinsko vijeće Zavidovići je na 39. sjednici od 31.10. i 06.11.2019. godine, razmatralo Izvještaj o provedenim izborima za članove Savjeta mjesnih zajednica „Mahoje“ na području općine Zavidovići koji su održani 13.10.2019. godine i 06.11.2023. godine, potvrdilo rezultate izbora za članove Savjeta mjesne zajednice „Mahoje“. Zaključak Općinskog vijeća broj: 01-05-2492/19-AP-3, („Službeni glasnik Općine Zavidovići“, broj: 10/19).

Općinsko vijeće Zavidovići je na 44. sjednici od 28.02.2020. godine, razmatralo Izvještaj o provedenim izborima za članove Savjeta mjesne zajednice „Dolac“ na području općine Zavidovići koji su održani 11.01.2020. godine, pa nakon rasprave potvrdilo rezultate izbora za članove Savjeta mjesne zajednice „Dolac“. Zaključak Općinskog vijeća broj: 01-04-354/20-AP-3 („Službeni glasnik Općine Zavidovići“, broj: 2/20).

U skladu sa članom 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22), a u vezi sa članom 73. Statuta Općine Zavidovići („Službeni glasnik Općine Zavidovići“, broj: 5/2008, 5a/2008 i 11/2019), rezultate izbora za članove Savjeta mjesne zajednice potvrđuje Općinsko vijeće.

Na osnovu člana 75. stav (2) Statuta Općine Zavidovići, mandat članova Savjeta mjesnih zajednica traje 4 (četiri) godine od dana potvrđivanja rezultata izbora od Općinskog vijeća.

Na osnovu člana 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) i člana 72. stav (3), a u vezi sa članom 87. Statuta Općine Zavidovići („Službeni glasnik Općine Zavidovići“, broj: 5/2008, 5a/2008 i 11/2019),

Gradsko vijeće donosi Odluku o raspisivanju izbora za članove Savjeta mjesnih zajednica na području Grada Zavidovići.

Odluku o raspisivanju izbora za članove Savjeta mjesnih zajednica na području Grada Zavidovići predlaže Gradonačelnik, a priprema je Služba za upravu društvenih djelatnosti, pitanja boraca i opću upravu.

Za izbore članove Savjeta mjesnih zajednica na području općine Zavidovići koji su provedeni u 2019. godinu (Odluku o raspisivanju izbora za članove Savjeta mjesnih zajednica na području općine Zavidovići („Službeni glasnik Općine Zavidovići“, broj: 5/2019)) u Budžetu općine Zavidovići za 2019. godinu, planiran je „Transfer za provođenje izbora u Mjesnim zajednicama“ u iznosu 8.500,00 KM a utrošeno 8.162,73 KM.

U Budžetu Grada Zavidovići za 2023. godinu („Službeni glasnik Grada Zavidovići“, 8/22), nije planiran „Transfer za provođenje izbora u Mjesnim zajednicama.“.

Imajući u vidu da je većini članova Savjeta mjesnih zajednica sa 30.09.2023. godine, istekao mandat, potrebno je dostaviti Gradskom vijeću Zavidovići na razmatranje Odluku o raspisivanju izbora za članove Savjeta mjesnih zajednica na području Grada Zavidovići, a Gradsko vijeće treba da odluči da li će raspisati izbore na osnovu člana 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) i člana 72. stav (3), a u vezi sa članom 87. Statuta Općine Zavidovići („Službeni glasnik Općine Zavidovići“, broj: 5/2008, 5a/2008 i 11/2019) ili će iste prolongirati do usvajanju Statuta Grada Zavidovići i donošenja potrebnih provedbenih akata iz ove oblasti.

Gradsko vijeće Zavidovići na 12. sjednici održanoj dana 05.04.2023. godine, razmatralo je Nacrt Statuta Grada Zavidovići i uputilo istu u javnu raspravu u trajanju od 60 dana. Prijedlog Statuta Grada Zavidovići priprema se za narednu sjednicu Gradskog vijeća.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović

Obradio: _____
(Nermin Čahtarević)